

## Universitätsbibliothek Paderborn

### **Conciliorvm Omnivm Generalivm Et Provincialivm Collectio Regia**

Ab anno DLIII. ad annum DLXXVII.

**Parisiis, 1644**

XXIII. De Paulo Alexandrino episcopo, & monachis Hierosolymorum.

**urn:nbn:de:hbz:466:1-15324**

ciebat, hoc vero passionibus succumbebat: & non constet miracula & passiones vnius eiusdemque, quas sponte sua sustinuit carne nobis consubstantiali, anathema sit. Qui dicit, quod Christus velut homo misericordia dignatus est; & non dicit ipsum Deum Verbum & crucifixum esse, ut misereatur nobis, anathema sit. Anathematizamus ergo Paulum Samosatenum, Dioscorum, Theodorum & Theodoritum, & omnes qui eorum statuta coluerunt, vel colunt. Et hæc Vigilius scribens hæreticis occulte, permanxit sedens. In quo impletum est illud testimonium, quod Salomon in proverbiis dicit: *Edent viæ suæ fructus, & consiliis suis saturabuntur.* Ab ipsa hæresi afflictus Vigilius, nec coronatus, qualem vitæ terminum suscepit, notum est omnibus. Sed redeamus ad causam Alexandrinorum.

*De Paulo Alexandrino archiepiscopo, & monachis Hierosolymorū.*

CAPVT XXXIII.

POSTquam ergo Theodosius Alexandrinus in exiliu missus est, Paulus quidam vnum abbatum Tabenensis monachorum ad Alexandrinam sedem ordinatur episcopus, Pelagio interueniente apocrisario Romano, plane orthodoxus, suscipiens Calchedonensem Synodum. Ordinatus est a Menna Constantinopoli, praesente eodem Pelagio responsario Vigilii, & apocrisiis Euphraemii Antiocheni, & apocrisiis Petri Hierosolymorum. Seuerus autem Antiochenus iam fuerat condemnatus, & Anthimus Constantinopolitanus ab Agapeto papa Romano, & Menna Constantinoplatano, & libellis datis aduersus eos imperatori Iustiniano a præsulibus monasteriorum, præsulibus primæ & secundæ Syriae, & præsulibus monasteriorum Hierosolymorum & eremi. Hoc ergo modo unitas facta est ecclesiarum, anno decimo imperii gloriose Iustiniani Augusti. Iste Paulus spretus erat Constantinopoli, ut dicitur, ab aliquibus monachis suis, & venerat Constantinopolim pro se agere apud imperatorem. Qui diuino nutu cathedram vacantem inueniens, meruit per Pelagium diaconum Alexандriæ episcopatum. Accepitque ab imperatore potestatem super ordinationem ducum & tribunorum, ut

*Concil. Tom. 12.*

Qqq ij

remoueret hæreticos , & pro eis orthodoxos ordinaret. Per illos enim populi inualescebant. Qui Alexandriam descendens, timore sui suaque industria omnem ciuitatem & omnia monasteria adduxerat fuscipere Calchedonensem Synodum, nisi interuentu diaboli talis emergeret causa. Cogitante Paulo episcopo remouere Eliam magistrum militum , Psius quidam diaconus & cœonomus ecclesiæ , amicus Eliæ , per portatores literarum velocissimos pedestres, quos Ægyptii Simacos vocant, omnia molimina Pauli Eliæ scribebat. Contigit autem Paulum inuenire literas eius Ægyptiace scriptas, & legere : & timens quod de Proterio contigerat, solicitus de eo factus est , & cœpit Psioum compellere, facere rationes ecclesiæ . Quem tradidit iudici, & imperatori de eo retulit. Eo tempore apud Alexandriam Rhodo erat augustalis, qui eum accipiens custodiendum vsque ad imperatoris præceptum, consilio cuiusdam prioris ciuitatis, nomine Arsenii, acceptis munib[us], inscio ( vt fertur ) episcopo, clam nocte totis viribus eum magno cruciatu occidit. Cuius filii & affines imperatorem interpellantes, suggesterant ei, qua vi eorum parens debitum mortis persolueret. Quod audiens imperator, vocavit Liberium , & fecit augustalem , misitque eum Alexandriam , inquire causam. Ad quam vrbem Liberius cum venisset, Rhodonem ad se venire iussit , & ab eo requirebat, quomodo occidisset diaconum. Ille vero respondit, iussione episcopi factum fuisse : habere se imperatoris delegationem aiebat, vt quidquid iuberet episcopus, modis omnibus impleret.

Sed negante Paulo episcopo, & se nescire clamitante, prior ille ciuitatis Arsenius , homicidii illius auctor inuentus, morte mulctatus est. Porro episcopo Paulo Gazam in exilio misso, Rhodo cum gestis de eo actis directus est Constantinopolim. Cuius gesta cum intra palatium legerentur principi, iussit eum ab scurrone duci, & foras regiam ciuitatem occidi. Et post hæc misit imperator Pelagium diaconum & apocrifarium primæ sedis Romanæ Antiochiam cum sacris suis, quibus præcepit, vt cum Euphræmio eiusdem vrbis episcopo & Petrus Hierosolymita, & Hypatius Ephesinus venirent Gazam, &

Paulo episcopo pallium auferrent, eumque deponerent. Pelagius ergo profectus Antiochiam, & inde Hierosolymam, cum memoratis patriarchis & aliquantis epis copis venit Gazam. Et auferentes Paulo pallium, deposuerunt eum, & ordinauerunt pro illo Zoilum, quem postea imperator depositus, & Apollinarem ordinauit, qui nunc est praesul ipsius Alexandrinae ecclesiae. Sed rediuntes Pelagio Constantinopolim, monachi quidam ab Hierosolymis, per quos Pelagius in Gazam transitum habuit, venerunt ad eum in comitatu, portantes capitula de libris Origenis excerpta, volentes agere apud imperatorem, ut Origenes damnaretur cum illis capitulis. Igitur Pelagius amulus existens Theodoro Cæsareæ Cappadociae episcopo, volens ei nocere, eo quod esset Origenis defensor, vna cum Menna archiepiscopo Constantinopolitano, flagitabat a principe, ut iuberet fieri, quod illi monachi supplicabant, ut Origenes damnaretur, ipsaque capitula talia docentia. Annuit imperator facilime, gaudens se de talibus causis iudicium ferre. Iubente eo, dictata est in Origenem & illa capitula anathematis damnatio; quam subscriptentes vna cum Menna archiepiscopo apud Constantinopolim reperti, deinde directa est Vigilio Romano episcopo, Zoilo Alexandrino, Euphrasio Antiocheno, & Petro Hierosolymitano. Quibus eam accipientibus & subscriptentibus, Origenes damnatus est mortuus, qui viuens olim fuerat ante damnatus.

*De Pelagio & Theodoro.*

CAPVT XXIV.

**E**t referato aditu aduersariis ecclesiae, ut mortuus damnatur, Theodorus Cæsareæ Cappadociae episcopus, dilectus & familiaris principum, secta Acephalus, Origenis autem defensor acerrimus, & Pelagio amulus, cognoscens Origenem fuisse damnatum, dolore damnationis eius, ad ecclesiae conturbationem, damnationem molitus est in Theodorum Mopsuestenum, eo quod Theodorus multa opuscula edidisset contra Origenem, exosusque & accusabilis haberetur ab Origenistis, & maxime quod Synodus Calchedonensis (sicut probatur) laudes eius suscepit in tribus epistolis. Cuius damnationem

Qqq iii